


Fundacion Carmabi na Curacao ta monitor coral rond di islanan ABC


Coralnan na Aruba ta den un situacion deplorabel



ORANJESTAD (AAN): Pa varios aña caba sra Olinda Rasmijn cu ta coordinador di Stima Aruba ta duna di conoce cu nos mester proteha nos parhanan, mata y tambe nos bida maritimo. Sinembargo ningun hende no ta tene cuenta di e gritonan cu a wordo haci añanan largo. Den e viahe ultimo

cu fraccion di Aruba a bay atende cu e reunion nan di IPKO tambe a haci bishita na fundacion Carmabi. Carmabi ta un fundacion cu ta proteha flori, fauna y alaves ta controla e bida marino tambe specialmente e coralnan. Sinembargo e fundacion a duna di conoce cu e coralnan di Aruba ta

deplorable. DIARIO a aserca sra Olina Rasmijn cu ta un experto den e terenonan aki y a sigui e desaroyo di flora, fauna y bida maritimo na Aruba. Segun Olinda Rasmijn Stima Aruba ta na altura di e desaroyo di e coralnan rond di Aruba y tambe tur esunnan cu tambe ta preocupa pa e coral nan tambe ta na Altura di e situacion. Aruba mester pone mas atencion pa protection di su naturalesa. Segun sra Olinda Rasmijn pa loke ta trata e banda pazuid di Aruba e coralnan ta morto y ta cabando poco poco. E coralnan na san Nicolas ta deplorabel, na Savaneta mayoria ta morto, pero leu a leu tin cu ta bibo, na mangel halto hopi hende ta bay wak pa pisca pero e coralnan ta birando menos compara cu 5 anja pasa. Segun sra Rasmijn



si mester tuma e parti di web bay te na dump e parti ey e coralnan ta completamente morto.

Internacionalmente ta poni cu un dump di un pais no mester ta canto di awa sinembargo aki na Aruba ta lo contrario. Aruba su lamanan semper tabata bunita hopi hende a gosa di nan, pero ningun hende no a trata di cuida nan. Tampoco despues di dump sigui te banda di e hotelnan, e situacion di nos coralnan ta deplorabel.

Segun Olinda Rasmijn hopi hende ta pensa cu e coral ta

simplemente un piedra den lama y cu nos tin acceso na dje pero nos no ta duna balor na dje. Hopi hende no sa kico ta e significacion di coral. Sra Olinda Rasmijn ta duna di conoce cu su persona a saca diferente potretnan y bay na e instancianan conserni pa asina sa di e situacion cu tin actualmente rond di nos isla pa loke ta trata e coralnan. Tambe a saca diferente potretnan di cuanto pisca nan tin morto debi cu nan no por alimenta nan mes atraves di e coralnan.